

Преподобно-мученик

Моисей
(Кожин)



ЯВЛЯЕТ И СЛУЖИТ
ПРЕПОДОБНОМУЧЕНИКУ МОИСЕЮ
(КОЖИНУ), ОЖЕНИЦКОМУ



**ПРЕПОДОБНОМУЧЕНИК
МОИСЕЙ СКОЖИН,
ОЛЕНЦКИЙ**

(1868–1931 гг.)

ДНИ ПАМЯТИ

25 августа / 7 сентября –
день мученической кончины в 1931 году

В воскресенье 7 февраля / 25 января
или в ближайшее воскресенье
после этой даты –
в Соборе новомучеников
и исповедников Российских

10/23 августа –
в Соборе новомучеников
и исповедников Соловецких

19 октября / 1 ноября –
в Соборе Архангельских святых

ТРОЯРЬ

Глас 1:

Святы́х Та́ин Христо́вых ве́рный служи́телю, / покая́ния пропове́днице и кра́я Ко́льского печа́льнице, / преподо́бномуче́нице Моисе́е, // моли́ Ми́лостивого Бо́га спасти́ся ду́шам на́шим.

КОЩАКЪ

Глас 2:

Уподо́бился еси́ проро́ку Моисе́ю, / ду́шу свою́ за погиба́ющую па́ству положи́л еси́, / у́зы темни́чныя и сме́рть за Христа́ претерпе́л еси́, / спасáй нас моли́твами твои́ми, о́тче Моисе́е, // па́стырю наш преблаже́нный.

КРАТКОЕ ЖИТИЕ

преподобномученика Моисея (Кожина), Оленицкого

Преподобномученик Моисей (Кожин) родился в 1868 году в селе Оленица Терского района в семье помора. В крещении получил имя Митрофан.

Еще во время выпавшей ему службы на императорском флоте Митрофан принял решение уйти в монастырь и посвятить свою жизнь Богу. С 1897 года началось его послушание в Соловецком Спасо-Преображенском мужском монастыре.

В 1907 году послушник Митрофан принял постриг с именем Моисей. В 1911 году отец Моисей удостоился священнической благодати и был рукоположен в сан иеромонаха.

После революции 1917 года отец Моисей остался служить в Свято-Сергиевском скиту. На территории монастыря был организован совхоз «Соловки» с лагерем принудительных работ.

В 1926 году иеромонах Моисей был вынужден покинуть Соловки. Он вернулся на Терский берег, где был назначен настоятелем церкви Рождества Иоанна Предтечи в родном селе Оленица.

Вместе с рядом односельчан отец Моисей занял твердую позицию в вопросе сохранения православных устоев на селе. Он благословил провести сбор подписей против отнятия у прихода Предтеченской церкви.

16 апреля 1931 года отца Моисея арестовали вместе с церковным старостой и псаломщиком. В обвинении говорилось: «за систематическое проведение антиколхозной пропаганды, прикрываясь флагом религии».

Виновным себя никто из арестованных не признал. Впрочем, это значения не имело – достаточно было и показаний «свидетелей». 4 мая 1931 года иеромонах Моисей и двое его односельчан Мурманским Окружным отделом ОГПУ были приговорены к трем годам заключения в исправительно-трудовом лагере. Позже было принято решение о замене лагеря на ссылку всех троих осужденных в «Севкрай» на три года. Иеромонаха Моисея вместе с П.Г. Кожиным и Ф.К. Кожиным отправили в город Котлас.

Шестидесятитрехлетний батюшка скончался через три месяца, 7 сентября 1931 года, и был захоронен в безвестной могиле.

Определением Священного Синода от 30 июля 2003 года иеромонах Моисей (Кожин) причислен к лику Святых новомучеников и исповедников Российских. Днем памяти преподобномученика Моисея (Кожина), Оленицкого, определен день его кончины: 25 августа / 7 сентября.

МЕСЯЦА АВГУСТА В 25-Й ДЕНЬ (7 СЕНТЯБРЯ ПО Н. СТ.)

Святаго преподобномученика Моисея (Кожина),
иеромонаха Соловецкаго, Оленицкаго

НА МАЛОЙ ВЕЧЕРНИ

На Господи, возвах: стихиры на 4, глас 6:

Преподобномучениче Моисее, / в тихое пристанище Соловецкия обители притекл еси, / пощением и слезами, молитвами и песнями / непрестанно прилепляяся Богу, / ты в годину гонений на Церковь Русскую / душу свою за Христа положил еси, / житие свое венцем страдания увенчав. / Настави люди твоя пети ты и Бога славити истинно, // достохвальный Моисее.

Яко беглец, из святыя обители Соловецкия / в Поморскую страну изгнан бысть, преподобномучениче Моисее, / Христу последова, нача подвизатися в церкви Иоанна Предтечи Христова, / яже в веси Оленицкия, / и тамо благий и верный быше раб Господень. // Темже почитаем память твою всечестную.

Радуйся, преподобномучениче Моисее, / болезни и труды благодушно претерпевый, / и посреде мятелей многих веру Христову, / благодать и любви до конца сохранивый, / и за Христа славную кончину приявый. / Обаче ин суд Божий, ин человеческий: / скорый и неправый ты на смерть осуди, // Небесный же и Божественный почестями победными венча.

Отче преподобне Моисее, / в тяжкую годину испытаний веру Христову поругаему обрел еси / и себе самого, яко жертву живую, Богу принесл еси. / Ныне Господь показа ты, светильника Своего, / сияющая на свещнице Церкви, / искушением вражиим противоставша, / и сонма новомучеников Церкви Русския / украшение пресветлое являшагося. / Тем венча ты Человеколюбец Господь за сугубыя скорби и горести, / нашедшия ты в летех сих нечестия, // и прият ты во славу Божию.

Слава, глас тойже:

Восхвалим днесь песнями страдальца обители Соловецкия / и земли нашея Кольския / преподобномученика Моисея. / Сей в церкви Рождества Иоанна Предтечи / служитель неленостный явился есть, / твердо Христа исповедуя / и напасти вражия ни во

что́же вменяя, / низложи́ бо безси́льные дэ́монския дэ́рзости / и
су́етную я́рость безу́мия безбо́жных / и обрете́ дерзнове́ние бла-
го́е ко Го́споду, / ны́не же мо́лится со все́ми за Христа́ спостра-
да́вшими // о спасе́нии душ на́ших.

И ны́не, Богоро́дичен, глас то́йже:

Ра́дуйся, Звездó светоза́рная, / Све́т, пре́жде дэ́нницы от Отца́
возсия́вший, / неизрече́нно ро́ждшая, / Того́ сия́нием озари́
ду́ши на́ша, // спя́щия во тьме́ и сени́ сме́ртней.

На стихо́вне стихи́ры, глас 4:

Про́мыслом Бо́жиим и челове́ческим избра́нием / служебъ
ве́рен бяше обители́ Солове́цкия / и помо́щник в ско́рбех
преизрядных, обрётших бра́тию зело́. / Помози́ и нам, о́тче Мои-
сее, / ве́рно чту́щим па́мять твою́, // в ве́ре и́стинней утверди́тися.

Стих: Честна́ пред Го́сподем / смерть преподо́бных Его́.

Земна́я отринув, Небе́сная себе́ уготовляя, / я́ко страда́лец за
и́стину, / му́жественно ра́ди бра́тии своея́ не оста́вил еси́ вины́
сла́ве обители́. / Да́же до кро́ве пострада́вый, / проти́ву ху́льни-
ков, гоните́лей и досади́телей Це́ркве подвиза́йся, / Небе́сныя
сла́дости вкуси́л еси́, / страстоте́рпче дивный, / сея́ сла́дости ис-
проси́ и нам у Христа́, Спа́са на́шего, // я́ко моли́твенник о душа́х
на́ших.

Стих: Блаже́н муж, боя́йся Го́спода, / в за́поведех Его́ восхо́-
щет зело́.

Во изгна́нии бы́вый, / ско́рбь непреста́нную и уны́ние раство-
ря́л еси́ / слеза́ми и воздыха́ньми о обители́ Солове́цтей мате́ро-
ле́пней, / от безбо́жных разоря́емей, / до́блественный о́тче Мои-
сее, / в не́йже ле́та мно́га подвиза́вся, / мно́гия по́двиги и труды́
понёсл еси́. / Ны́не же, священны́я ру́це твои́ у Престо́ла Святы́я
Тро́ицы протира́я, / помина́й Ко́льскую зе́млю ро́ждэ́ния свое-
го́ / и обитель Солове́цкую, ю́же возлюби́л еси́, // и моли́ о спасе́-
нии сла́влящих тя благоче́стно.

Сла́ва, глас то́йже:

Пе́рвое до́брым по́двигом твои́м преподо́бническим / в жити́и
земне́м Бо́гови угожда́я, / страда́нием му́ченически жити́е твоё
сконча́л еси́. / Те́мже венча́ тя Госпо́дь за сугубы́я ско́рби и го́рести, /
наше́дшия на тя в ле́тех сих нече́стия, // и приятъ ты во сла́ву Свою́.

И ны́не, Богоро́дичен, глас то́йже:

К покрóву Твоему́ прибега́ем, / Де́во Богоро́дице, / и мо́лим Тя:
скóро на по́мощь нам, / ве́рно чту́щим Тя, предвари́ / и от враг
ви́димых и неви́димых изба́ви, // Ты бо еси́ заступле́ние на́ше.

Тропа́рь пи́сан на вели́цей вече́рни.
Ектенія ма́лая и отпу́ст

НА ВЕЛИЦЕЙ ВЕЧЕРНИ

Блаже́н муж: 1-й антифо́н.
На Го́споди, воззва́х: стихи́ры на 8, глас 5:

Прииди́те, ве́рнии, / свяще́нное и честно́е преподо́бнаго Мо-
исе́я торже́ство пе́сньми днесь воспо́йм, / восхва́лим ревни́-
теля и защи́тителя оби́тели Солове́цкия / и Помо́рия се́вернаго
веси Оле́ницкия: / во времена́ гонéний на Це́рковь Ру́сскую / со́н-
му новомучеников сопричтён бысть, / ны́не же, предсто́я Пре-
сто́лу Госпо́дню, мо́лится, // да и мы Ца́рствию Христо́ву приоб-
щимся. *(Трижды)*

Прииди́те, боголю́бцы, / ко Христу́ любо́вию у́треннююще, /
ра́дости страда́льца предивнаго Моисе́я прича́стницы бу́дем. /
Ты, о́тче преподо́бне, / заступая́ оте́чества своего́ вверенную ти
святы́ню, / тверд и непрекло́нен явился еси́, / всячески утесня́емь
и изгоня́емь от враг быв. / Госпо́дь же упова́ние тебе́ бысть, / при-
хода Оле́ницкаго последний нача́льниче // и сла́вный страсто-
те́рпче. *(Трижды)*

Прииди́те, христоролю́бвии лю́дие, / восхва́лим ратобо́рца и
защи́тителя до́блественнаго святы́нь оте́ческих, / иже во́инству
Ца́ря Небе́снаго сопричтён бысть, / земно́е во́инство отвёрже,
рекий: / яко несть на́ша брань проти́ву кро́ви и плóти, / но к ми-
родержителем тьмы ве́ка сего́, / к духово́м зло́бы поднебе́сным. /
Блаже́н еси́, живо́т свой положи́вый / за ве́ру Правосла́вную и за
и́скренния своя́, // всехва́льный преподо́бномучениче Оле́ниц-
кий. *(Дважды)*

Слава, глас 8:

Во изгнании покинул еси оток Соловецкий, святыи Моисее, / молитву непрестанную слезами растворяя / о возлюбленной обители, от безбожных разоряемей, / в нейже многия подвиги и труды понесл еси. / Во отечестве своем во дни Пасхи Христоувы / дерзая о Имени Господа Воскресшаго, / от безбожных мучу претерпел еси. / Ныне же, Престолу Божию предстоя, / прославляеши Отца, и Сына, и Святаго Духа, // Троицу Единосущную и Нераздельную.

И ныне, Богородичен:

Царь Небесный / за человеколюбие на земли явися / и с человеки поживе, / от Девы бо Чистой плоть приемый / и из Нея прошедый с восприятием. / Един есть Сын, сугуб еством, / но не Ипостасию. / Темже совершенна Того Бога / и совершенна Человека воистину проповедающе, / исповедуем Христа Бога нашего: / Егоже моли, Мати Безневестная, // помилуй души наши.

Таже вход. Прокимен дне. Чтения три.

Пророчества Исаиина чтение:

Тако глаголет Господь: вси языцы собращася вкупе, и соберутся князи от них. / Кто возвестит сия в них? / Или яже от начала, кто слышана сотворит вам? / Да приведут свидетели своя, и оправдятся, и да услышат, и да рекут истину. / Будите Ми свидетели, и Аз Свидетель, глаголет Господь Бог, и Отрок, Егоже избрах. / Да познаете, и веруете Ми, и разумеете, яко Аз есмь, прежде Мене не бысть ин Бог, и по Мне не будет. / Аз есмь Бог, и несть разве Мене спасаая. Аз возвестих и спасох; уничижих, и не бе в вас чуждый. / Вы Мне свидетели, и Аз Господь Бог, и еще от начала Аз есмь, и несть от рук Моих избавляя. Сотворю, и кто отвратит то? / Сице глаголет Господь Бог, избавляя вас, Святыи Израилев.

Премудрости Соломоновы чтение:

Праведных души в руке Божией, и не прикоснется их мука. / Непщевани быша во очесех безумных умерети, и вменися озлобление исход их, и еже от нас шествие – сокрушение, они же суть в мире. / Ибо пред лицом человеческим аще и муку примут, упование их безсмертия исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стеблю, потекут. / Судят языком и обладают людьми, и воцарится Господь в них во веки. / Надеющиеся Нань разумют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтение:

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, зане десницею покрывает я и мышцею защитит их. / Приемет всеоружие рвение свое и вооружит тварь в мечь врагом. / Облечется в броня правды и возложит шлем – суд нелицемерен. / Приемет щит непобедимый – преподобие, / поострит же напрасный гнев во оружие, споборет же с ним мир на безумных. / Пойдут праволучныя стрелы молниины и, яко от благокругла лука облаков, на намерение полетят. / И от каменометныя ярости исполнь падут грады, вознегодует на них вода морская, реки же потопят я нагло. / Спротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. / Слышите убо, царие, и разумейте, навикните, судий концев земли. / Внушите, держащии множества и гордящися о народах языков, яко дана есть от Господа держава вам и сила от Вышняго.

На литии стихира храма и святаго, глас 1:

Во обители Соловецтей подвигом иноческим добре подвизался еси, / славный Моисее, / и во Сергиево-Муксалмском скиту, достойно звания ходив, / плоды принесл еси Христова смирения, / яко древо благосеннолиственное. / И нас научи смирят души наша / пред Отцем Небесным и братьями нашими, // да обрящем вечную победу с тобою.

Слава, глас 4:

От плéна египетскаго нечестия челове́ки моисейски изба́вил еси́, / к многопло́дию ду́ши срóдных сво́их Помóрския зем-ли́ направля́я, / яже суть на мéсте том, нарица́емем Тёрский брег, / ли́ку же неисчётному до́блественных му́чеников приобщил́ся еси́ / и собóру Ко́льских новому́чеников основа́ние твёрдо по-ложил́ еси́. / Ны́не томú Ангелы на Небесéх раду́ются, / с ними́ же и ты песнь побéдную воспева́еши. / Да ви́дяще, како́ любит Госпо́дь вёрных сво́их, // и мы Ца́рствию Христо́ву приобщим́ся.

И ны́не, Богородичен:

При́зри на моле́ние Тво́их раб, Всенепоро́чная, / утоля́ющи лю́тая на ны воста́ния, / вся́кия ско́рби нас изменя́ющи. / Тя бо, Еди́ну, твёрдое и изве́стное утвержде́ние и́мамы, / и Твоё предста́тельство стяжа́хом. / Потщи́ся на умоле́ние Тебе́ вёрно вопию́щих: / раду́йся, Влады́чице, / всех по́моще, радосте и по-кро́ве, // и спасéние душ на́ших.

На стихóвне стихи́ры, глас 1.

Подóбен: Небéсных чино́в:

Ни кня́зя ми́ра сегó, ни влады́к злосту́жных, / претя́щих тебе́, не убо́ялся еси́, óтче преподо́бне, / véрою и упова́нием на Го́спода был еси́ крепок. / Утверди́ нас ра́ди любве́ Христо́вы тер-пéти вся му́ки и ско́рби / и да́же до сме́рти подвиза́тися о исти-не, // яко́же ты, óтче предивне.

Стих: Проидóхом сквозé огонь и во́ду, / и извёл еси́ ны в поко́й.

Оте́честву своему́ в го́дину безвэ́рия был еси́ свети́льник, / Бо-же́ственных Та́ин Христо́вых разда́тель / и душ людски́х вра-чевáтель явил́ся еси́, óтче прехва́льне, / тёмже благода́ть Ду́ха Уте́шителя от юдо́ли сме́ртныя ты возведé // в вы́шняя Небéсная селéния.

Стих: Свет возсия́ пра́веднику, / и пра́вым сёрдцем весéлие.

Éже по óбразу соблю́д невредимо́, / во éже по подо́бию, яко́ мо́щно, возшёл еси́, / му́жески бо естество́ пону́див, саможе́рт-венный служи́телю Моисее, / сопроти́вился еси́ терпели́во, / не устраши́лся еси́ мучи́тельскаго прещéния и я́рости богобо́рцев, / véрою нетщётною во Христа́ окриля́емь, / и ризы́ своя́ убели́л еси́ то́ками крове́й сво́их, / на брак А́гнца Божéственнаго возшёл еси́, // преподо́бный страда́льче и но́вый му́чениче Христо́в.

Сла́ва, глас 6:

Распéншемуся за ны Христу́ Бо́гу, / смерть попра́вшему и ад
плени́вшему, / сораспина́лися естé, страсотéрпцы присно-
па́мятнии, / мучениче Моисее со ста́ростой и парамона́рем цер-
ко́вными, / суд непра́вый и ско́рбную темни́цу, / страда́ния мно́-
гая претерпе́вше да́же до сме́рти мученическа́я, / в невече́рнем
же дни Ца́рствия Бо́жия / в Це́рковь Небе́сную свяще́нно внидо́-
сте / и ны́не Трои́це предстаите́, // сия́юще отту́ду блиста́нии,
истека́ющими пребога́тно.

И ны́не, Богоро́дичен:

Творе́ц и Изба́витель мой, Пречи́стая, / Христо́с Госпо́дь из
Твои́х ложе́н проше́д, / в мя оболки́йся, / пе́рвыя кля́твы
Ада́ма свободи́. / Те́мже Ти, Всечи́стая, / я́ко Бо́жии Ма́тери же и
Де́ве, / вои́стину вопие́м немол́чно: / ра́дуйся а́нгельски, ра́дуйся,
Влады́чице, / предста́тельство, и покрове́, // и спасе́ние душ на́-
ших.

*На благослове́нии хлебо́в: тропа́рь преподо́бномученику,
два́жды, и Богоро́дице Де́во: еди́ножды.*

Тропа́рь, глас 1:

Святы́х Таин Христо́вых ве́рный служи́телю, / пока́яния про-
пове́днике и кра́я Ко́льскаго печа́льнике, / преподо́бномуче-
нике Моисее, // моли́ Милостивого́ Бо́га спасти́ся душа́м на́шим.

НА УТРЕНИ

На Бог Господь: тропарь преподобномученику *(дважды)*.
Слава, и ныне: Богородичен: Гавриилу вещавшу:

По 1-й стихологии седален, глас 2:

Совету нечестивых непричастен быв, / страдания за Христа, / яко благодатный дар, приял еси / и предбудущая вещати сподобился еси, доблественниче Моисее, / вменив сия в радость себе и во спасение. / Верен был еси Богу даже до смерти, / и даде ти Господь мзду достойну, венец живота, // и новомучеником Церкви Русския нарече тя. *(Дважды)*

Слава, и ныне, Богородичен, глас тойже:

Предстательство неусыпное и мамы Тя, Пресвятая Владычице, / мольбам и плачем земным скорое услышание, / болезням и скорбем теплое сострадание, / руке, простертая в помощь обремененным грехми и бедами, // глас, непрестанно молящий милосердие Божие за род человеческий.

По 2-й стихологии седален, глас 3:

Мужайся, Христова Церковь, и державствуй над все борющимися: / Христовы бо друзи, и предстоящи, и отстоящи, / якоже доблии крепкодушнии, о тебе пекутся, / присно живи обретаются во Царствии Небеснем, // ихже общий праздник ныне совершаем светло. *(Дважды)*

Слава, и ныне, Богородичен, глас тойже:

Возжада душа моя Тебе, Спасе мой, / яко живота источник и маши воистину, / Свет миру Невечерний Богородицею возсиявый. / Тоя всеильными мольбами // Небесных благ сокровище отверзи ми, Владыко Многомилостиве.

Величание:

Ублажаем тя, / преподобномучениче Моисее, / и чтим святую память твою, / наставниче монахов // и собеседниче Ангелов.

Псалом избранный:

Весть Господь путь праведных, и путь нечестивых погибнет. / Работайте Господеву со страхом и радуйтесь Ему с трепетом. / Ты же, Господи, Заступник мой еси, Слава моя, и возносяй главу мою. / Помилуй мя, Господи, яко немощен есмь, исцели мя, Господи, яко смятошася кости моя. / Отступите от мене вси делающие беззаконие, яко услыша Господь глас плача моего. / Господи, Боже мой, на Тя уповах, спаси мя от всех гонящих мя и избави мя. / Помощь моя от Бога, спасающего правых сердцем. / Да уповают на Тя знающие имя Твое, яко не оставил еси взыскающих Тя, Господи. / Ты, Господи, сохраниши ны и соблюдеши ны от рода сего и во век. / Воздаст ми Господь по правде моей и по чистоте руку мою воздаст ми. / С преподобным преподобен будеши и с мужем неповинным неповинен будеши. / Закон Господень непорочен, обращая души, свидетельство Господне верно, умудряющее младенцы.

По полиелѣи седален, глас 8:

Ангелом собеседник на земли бысть, достохвальный Моисее, / мысленными очима зря Небесная, / егда на подвиг тяжкий за веру ты призвал Господь, / ты же, паче укрепляясь духом, ниже восхотел еси отринути чашу сию / или пути священническаго уклонитися, / но вся претерпел еси, занеже от Господа вся сия быша. / Ныне же, в Небесных обителях жительствуя, / молися за ны, страдания твоя чтущия, / да верни повелением Господним пребываем, // друг друга любяще и мир в себе имуще. *(Дважды)*

Слава, и ныне, Богородичен, глас тойже:

Небесная Царице, Госпоже Благая, / любви божественныя со- суде преисполненный, / Твоим всемилостивным заступлением сея животворящая любви сосуды честны спасаемых нас сотвори, / да верни повелением Господним пребываем, // друг друга любяще и мир в себе имуще.

Степенна, 1-й антифон 4-го гласа. Прокимен, глас 4:

Честна пред Господом / смерть преподобных Его. **Стих:** Что воздам Господеву о всех, / яже воздаде ми? **Всякое дыхание:** Евангелие от Марка, зачало 37.

По 50-м псалмѣ стихира, глас 6:

Где твоѣ, смѣрте, жало? / Где твоя, аде, побѣда? / Всѹе ищете вѣрных Господних пожрѣти, / не имате же власти ни единыя, / победил бо есть вы Спас душ наших Христос Бог, / даровав живот вечный всем земнородным, / вѣрным Царство Своѣ заповеда, / того наследник Моисей житием праведным и кончиною мученическою явился. / Ныне, память преподобномученика воспевающе, / начало вечнаго жития его в Бозе празднуем // и к помощи его молитвенней взываем.

КЯНОН

Богородице со ирмосом на 6, и святому на 8, глас 6

Песнь 1

Ирмос: *Волною морскою / Скрывшаго древле / гонителя мучителя, / под землею скривша спасенных отроцы; / но мы, яко отроковицы, // Господеви поим, славно бо прославися.*

Запѣв: *Святый преподобномучениче Моисее, // моли Бога о нас.*

Сподоби, Господи, песнями прославити по достоянию Твоего угодника, / Имя Твое прославльшаго, / доброхрабраго Моисея преподобномученика, доблестнаго воина Твоего, / прегордаго велиара поправшаго и Церковь Христову кровью своими украсившаго. / Мы же, сошедшися в летный праздник досточудная памяти его, / восхвалим песнями и исповеданьями достойно.

Вере Христове и любви Божественней измлада прилежал еси, / болезни и труды благодушно претерпевая, / посреде мятежей многих до конца сия сохранил еси / и за Христа славную кончину приял еси. / Обаче ин суд Божий, ин человеческий: / скорый и неправый тя на смерть осуди, / Небесный же Божественный почестьями победными тя венча.

Тя, отче преподобне Моисее, / в тяжкую годину испытаний Господь показа, яко светильника Своего, / сияюща на свещнице святе, Церкви, / искушением вражиим противоставша, / просвещающаго души вѣрных светом страданий за Христа / и сонма новомучеников Церкви Русския украшение пресветлое являшагося.

Богородичен: *Путь ко спасению открыла еси нам, Богородице, / жития непорочнаго образ чистейший являючи. / Темже, на Тя взирающе и Тебе молящися, / из глубины сердечныя взываем: / язвы грехов и струпы страстей наших исцели слезами покаяния.*

Песнь 3

Ирмос: *Тебе, на водах / повесившаго всю землю неодолимо, / тварь, видевши на лобнем висима, / ужасом многим содрагашися, // несть свят, разве Тебе, Господи, взываючи.*

Отечеству земному в чине воинством на плутве достойно послужив, богоревниве Моисее, / воинству Христову приобщитися и единому Богу поработати zelo возжелал еси / и, во обитель отока Соловецкаго вселився, / достойно в чине иночеством и сане иерейством Господеву послужил еси.

В братстве иночеством усердно подвизався, Моисее всехвальне, / восходил еси от силы в силу / и, к монашескому чину и сану священному сопричтен быв, / служение свое попремногу совершал еси / под заступлением Зосимы, Савватия и Германа, первоначальников обители, / к нимже умиленною душею и сокрушенным сердцем молитвы простирал еси.

Моисей, великий во пророцех иногда, жезлом своим, яко крестным знаменем, воды разделив, / прошед со израильяны сквозе Чермное море и земнаго обетования достиже, / ты же, преподобномучениче Моисее, крестоношением плоть свою умертвив, / земли обетования достигл еси, в нейже правда живет.

Богородичен: *Обретши благодать у Сына Твоего заступати немощный род человеческий, Богородице, / неусыпно назираеши люди христианския, / иноком наипаче покровительствуеши, / яко Ангельскому чину подражателем. / Сама бо вышши всех Ангел и Архангел жительство нам явила еси.*

Седален, глас 5:

Егда безбожнии тщахуся сокрыти тя в темнице, / ты, блаженный Моисее, яко луч Солнца Правды явился еси, / посрамляя ипаты, и воеводы, и мучители, сущия во властех, / и страданиями твоими мглу безбожия и злообычия над Отечеством нашим рассеял еси. / Молим тя, страдальче святыи: / молися за ны ко Господу, / поприще жития нашего нам достойно пройти, // вечныя погибели избавитися и воинами света явитися. *(Дважды)*

Слава, и ныне, Богородичен:

Заступницу Тя имама пред Богом, Пречистая Дево, / не презри раб Твоих, на предстательство Твое надеющихся, / моление наше прими и помощь с Небес низпосли, // да спасение душ наших обрящем.

Песнь 4

Ирмос: *На Кресте Твое Божественное истощание / провидя, Аввакум, ужасся, вопияше: / Ты сильных пресека еси державу, Блаже, // приобщаяся сущим во аде, яко Всесилен.*

Повелению Господню повинуюся, / крест настоятельства во отечестве своем со смирением приял еси, Моисее достохвальне. / Егда же сила вражия безумно на приход Церкви твоея воста, / страдания, предуготованная тебе, безропотне восприял еси / и сораспятися Христу последовал еси.

Ни врага рода человеческого, ни владык богохульных, / ни оружников дерзосердых, претящих тебе, не убоялся еси, священномучениче Моисее, / верою и упованием на Господа был еси крепок, / призывая чад своих к терпению скорбей и стяжанию смирения Христова.

Православная Церкви светильниче, священный Моисее, / паче укрепляясь духом, страха человеческого никак утрашился, / ниже восхотел отринуть чашу страданий / и, кровью мученическими неугасимо светяй, / вся претерпел еси, яже от Господа, / ныне же, у Престола Божия предстоя, молися о чтущих тя.

Богородичен: *Молим Тя, Богородице Дево, вражиими злодействами обуреваемии: / сетей злоухищренных свободи, / мучительства страстей нас избави, / мир Божий в души наша водвори, терпением Христовым снабдевающи.*

Песнь 5

Ирмос: *Богоявления Твоего, Христе, / к нам милостивно бывшаго, / Исаия, Свет виде в Невечерний, / из нощи утреневав, взываше: / воскреснут мертвии, и востанут сущии во гробех, // и вси земнороднии возрадуются.*

Обеты мнишеския известно исполняя, Моисее прехвальне, / печальным был еси утешитель и малодушным ободритель, / пастырь словесному стаду Христову явился еси, / темже и, стезею страстотерпческою вкупе шествовав, / мученичества красо-

тою с паствою твоєю украсился еси, отче священнейший, / тако и ныне не забуди нас, ты прославляющих.

Все упование твое на Господа возложил еси, / и Той утверждение тебе бысть, / пострадаши за Христа сподобился еси, / уничижение от беззаконных и изгнание во юдоль мучений, / труды подневольные, и поношения, и клевету, / вся до крове претерпел еси, преподобне.

В церкви Рождества Иоанна Предтечи служитель неленостный явился еси, отче Моисее, / твердо Христа исповедуя и напасти вражия ни во чтоже вменяя, / низложил бо еси безсильные демонския дерзости и суетную ярость безумия безбожных, / обрел же еси дерзновение благое ко Господу, / и ныне моли со всеми за Христа пострадавшими о спасении душ наших.

Богородичен: Над землею Русскою Покров державный распростерши, / не оставила еси нас от злодеяний лстиваго погибнути, Заступнице Семилостивая. / Помози нам и ныне веру истинную без страха исповедати / и Православия поборником быти.

Песнь 6

Ирмос: *Ят бысть, / но не удержан в персех китовых Иона: / Твой бо образ нося, / Страдавшего и погребению Давшагося, / яко от чертога, от зверя изыде. / Приглашаше же кустодии: / хранящи суетная и ложная, // милость сию оставили есте.*

Егда мрак безбожия постиже землю Русскую и Соловецкую обитель в темницу обрати, / тогда многоскорбное сердце твое исполнися болезней и скорбей, / яже и до конца мужественно понесл еси, Христов страстотерпче, / Промысл Божий благий во всем разумевая.

Христа Подвигоположника пред мысленным взором всегда имея, отче Моисее, / Тому не обинуясь последовал еси / и крест свой мужедоблественно понесл еси, / все упование на Бога всецело возложив, / со смирением и кротостию праведное Его пощение восприяв. / Не остави убо нас, священномучениче, память твою светло почитающих.

Образ смирения Христова и любви Его / житием твоим показал еси, страстотерпче, слезно взывая: / тщитесь, друзи, достигнути совершенства, яже любы есть. / Верность Христу Владыце и званию вышнему достойно сохранил еси, / сопричастник Кольским и Соловецким новомучеником явился еси / и Церковь Русскую подвиги своими светло украсил еси, богомудре.

Богородичен: Владычице мира, Мати Всепетая, / прими сердечную молитву раб Твоих, во умилении Ти приноsimую, / и не лиши нас милостиваго Твоего заступления, / но, яко Благая, спаси души наша.

Кондак, глас 2:

Уподобился еси пророку Моисею, / душу свою за погибающую паству положил еси, / узы темничныя и смерть за Христа претерпел еси, / спасай нас молитвами твоими, отче Моисее, // пастырю наш преблаженный.

Икос:

Преподобным отцем старобытным поревновав / и исповедником веры, за Христа страдания с радостию приемшим, последовав, / неложно Богу потрудился еси во святей обители Соловецтей, / силою же вражиею во времена безбожная от нея удален быв, / неослабне в молитве и твердем уповании дни жития своего провождал еси, / дондеже во обители горния ко Владыце своему преселился еси. / Сего ради прилежно чтим и ублажаем тя, // преподобномучениче Моисее, пастырю наш преблаженный.

Песнь 7

Ирмос: *Неизреченное чудо: / в пещи Избавивый преподобныя отроки из пламене, / во Гробе мертв бездыханен полагается / во спасение нас поющих: // Избавителю Боже, благословен еси.*

Во отечестве своем на Помории во изгнании пребывал еси, / рыдая о беззаконных великих народа русского, / слячен и боляй душею, сетующею о величестве зла, бывая, / печалуюся и молитвами подвизаяся день и ночь Богу, / в Троице Единосущному и Нераздельному, воздыхания своя принося: / Избавителю Боже, благословен еси.

Место благих мужеств, яже сотвори, / на бреже севернем в веси Оленице избрал еси, досточудный Моисее, / идеже богоревниво в церкви Рождества Иоанна Предтечи много потрудился еси / и житие земное мученически скончал еси. / Ныне Ангелы на небесех и человецы на земли радуются, / да, видяще, како любит Господь верных своих, победоносно зывают: / Избавителю Боже, благословен еси.

Терния бо ненависти и волчцы безверия произведе нам Русская земля / и плевелами лжи засеяна бысть от врага. / Ты же, благоверный пастырю Моисее, / земных юдоли горести во множе-

стве познав, / благ неизреченных ныне наслаждаешься, Христов
страстотерпче, / верен бо Господь, обещающий Царствие Небесное
любящим Его и вопиющим: / Избавителю Боже, благословен еси.
Богородичен: *Завета вечнаго Богоизбранная Тайнице / и Цар-*
ства Христова Семилюбовная Вратарнице! / Господа и Владыку
веков умоли о нас немощных, озлоблением вражиих мучимых, /
Ты бо, Благосердая Мати, Помощница теплая / и Ходатаица жи-
вота вечнаго христианом присно являешься.

Песнь 8

Ирмос: *Ужаснися, бойся, Небо, / и да подвижатся основания*
земли: / се бо в мертвецех вменяется в Выхних Живый / и во
Гроб мал страннопримлется. / Егोजе, отроцы, благословите,
священницы, воспойте, // людие, превозносите во вся веки.

Четырдесятницу святую постнически совершив, / Пасху Го-
сподню с народом Божиим воспевал еси, духом пламенея, /
да соблюдет Господь благочестия добрая злаки, / да не подавле-
ни будут от терния, ниже смесятся с плевелами, / но да посто-
ят и умножатся верная чада Христова, / поюще и превозносяще
Господа во вся веки.

Память твою летнюю празднующе, / святой новомучениче
Моисее, радуемся и ликовствуем, / днесь бо Пасха твоя совер-
шается, / от земли в селения Небесная восходом невозбранном
вниде, / мужественно вся претерпев, / Христа Воскресшаго поя и
превознося во вся веки.

Троичен: *Трипостасный Боже, / Словом сотворивый всяче-*
ская и Духом к животу призывавый земная и небесная! / Ты чело-
веческое естество в подобие Свое создал еси, / оскверненное же
грехом Кровию Христа Твоего паки возставил еси, / Егोजе, отро-
цы, благословите, священницы, воспойте, / людие, превозноси-
те во вся веки.

Богородичен: *Послуживши Тайне Божией, человеческому раз-*
умению непостижимей, / сподоби нас благодати Сына Твоего,
Пренепорочная, / немощь нашу укрепи, / житие унылое миро-
стию Твоею обогати / и скудную молитву нашу Духа Святаго жи-
вотворными дыханием раствори.

Песнь 9

Ирмос: *Не рыдай Мене, Мати, / зрящи во Гробе, / Егोजе во чреве без*
семене зачала еси Сына: / встану бо и прославлюся, / и вознесу со
славою непрестанно, яко Бог, // верою и любовию Тя величающая.

Чáшу страда́ний му́жественне испи́в, / испове́дником и стра-
стоте́рпцем Христо́вым приобщи́лся еси́, Моисее пресла́в-
ный. / Страда́льческа́я ра́ди кончи́ны твоея́ при́сно Го́споду пред-
стойши в Го́рнем Ца́рстве Его́ / и мо́лишися дерзнове́нно о всех
лю́дех, наипа́че же о прославля́ющих тя, / и ве́рою и любóвию тя
велича́ющих, и ны́не по́двигу твоему́ подража́ющих, / к ним же
сподо́бит прибли́зити Госпо́дь и нас, недосто́йных.

Лик проро́ческий с Моисеем и Ааро́ном весе́лием днесь ве-
селится, / я́ко коне́ц проро́чества их на нас испо́лнится; / днесь
сия́ет Крест Христо́в над земле́ю Правосла́вною, / и́мже сонм но-
вомучеников Це́ркви Ру́ския восходи́т горе́ от земли́ на Не́бо и
мо́лится ко Го́споду, / да посети́т виногра́д сей, / да укрепи́т ны в
гряду́щих искуше́ниях и вре́менех ско́рбных, / во е́же сподо́би-
ти нас грешных по́двиг по си́лам восприя́ти / и в немо́щи на́шей
вели́чие сла́вы Бо́жия свиде́тельствовати.

Христо́ву бо испи́л еси́ Ча́шу, пресла́вне, / венце́м неувядае-
мым украси́лся еси́ во Ца́рствии Небе́сном, богоблаже́нный Мо-
исее. / Те́мже моли́ о земле́ Ко́льстей и обита́ли Солове́цтей, /
мир и любóвь Госпо́дня во ве́ки zde да пребу́дут, / и нас помина́й,
ве́рою и любóвию тя велича́ющих.

Богоро́дичен: Ца́рства Бо́жия би́сер драгоце́нен да возсия́ет в
душа́х на́ших Твои́ми мо́льба́ми, Пречи́стая Де́во, / Нача́льника
жи́зни ве́чныя Ма́ти. / Помози́ нам, Благая́, / да, терпе́нием ду́ши
стяжа́вше, воскресе́ния све́тлую ра́дость невозвратно Тобо́ю об-
ря́щем.

Свети́лен, глас 3:

Све́том Христо́вым просвеща́емь, / мрак беззакóния попрáл
еси́, преподо́бне, / мученическими́ крове́ми свяще́нную ри́зу
очервлени́в, / вшел еси́ во Свята́я Святы́х досто́йно, Моисее пре-
му́дре, / иде́же Свет неизрече́нный, иде́же глас пра́зднующих. / С
ними́ же и мы велегла́сно возопи́им: / о́тче Моисее, святы́х при-
ча́стник яви́выйся, / ми́ру просвеще́ние испроси́ // и душа́м на́-
шим ве́лию ми́лость. *(Два́жды)*

Сла́ва, и ны́не, Богоро́дичен:

Свет Живота́ ве́чнаго возсия́ нам Тобо́ю, Благода́тная Мари́е, /
плóтию бо роди́ла еси́ Жизнода́вца Бо́га, / смерть Поправша́го,
мир Собо́ю Обно́вивша́го // и всем ве́рным Воскресе́ние Да́рующа́го.

На хвалітех стихіры на 4, глас 7:

Ревностию по Бóзе распалаемь / и жалостию о до́ме Господни
снедаемь, / святыни цѣркви Олѣницкия от расхищѣния и по-
руганія нечестивых сохранял еси, / прещѣний же беззаконныя
власти не устрасил еси, / до конца страданія претерпѣв, / спа-
сѣние души обрѣл еси, / священномучениче достохвальне Мои-
сее, // и ныне сияеши во славе Господни. *(Дважды)*

Землю Русскую, безбожными гонѣнии нещадно жегому, /
слезами и кровью твоими напоил еси, священномучениче Мо-
исее, / и исповѣданием Трисолнечнаго Свѣта тьму адову посра-
мил еси, / мучѣния от сынов погібели восприял еси, / тѣло бо
твоѣ во внутренних могилах неизвѣстной пребывает, / душа же
твоя безпечальное житѣльство наслѣдовала еси. / Тѣмже стяжал
еси благодать молітиса о нас, // отче преподобне.

Па́ству вѣрных своих хлѣбом слова Бóжия насыщая / и вином
премудрости Богодухновенныя напаяя, / теплотою любви твоея
дары сия растворил еси, священномучениче Моисее. / И ныне
высоким проповѣданием вещаеши чадом Цѣркве Русския: / при-
ступите ко Господу и просветитесь, // и лица ваша не постыдятся.

Слава, глас 1:

Сохрани, Господи, отѣчество наше молитвами всехвальнаго
Моисея / и всех новомучеников, / ибо больши сия любви ни-
ктоже имать, / да кто душу свою положит за други своя. / Кровь
твою, преподобномучениче Христов, излил еси за род челове-
ческий / и кровию безвинною багрянницу Цѣркве Православныя
украсил еси, // поя и превознося Господа во вся вѣки.

И ныне, Богородичен, глас тойже:

Огнь Божества во утробе неопальне вместивши, / Кивот бла-
годати священнейшей явилася еси, Дѣво Пречистая, / тем-
же пламенем Духа Божественнаго возжигаяши сердца вѣрных /
и вѣчнующему вражю пламени сих неприкосновенных твори-
ши. / Возсияй, Богомати, и в нас, любви Бóжия немерцающий све-
те, / от борющихся враг ограждаючи, // и огнедышация пропасти
адовы избави души наша.

Славословіе великое и отпуст

НА ЛИТУРГИИ

Блаженны от канона, песни 3-я и 6-я.

Прокимен, глас 7: Восхвалятся преподобнии во славе / и возрадуются на ложах своих. Стих: Воспойте Господеви песнь нову, / хваление Его в церкви преподобных.

Апостол к Тимофею, зачало 291. Аллилуия, глас 6: Блажен муж, бойся Господа, / в заповедех Его восхощет зело. Стих: Сильно на земли будет семя его. Евангелие от Матфея, зачало 36.

Причастен: В память вечную:

ЯКЪФИСТ

преподобномученику Моисею (Кожину),
иеромонаху Соловецкому, Оленицкому

Кондак 1

Преподобномучениче Моисее, / от мужей земли Полнощ-
ная / в тихое пристанище Соловецкия обители притекл
еси, / пощением и слезами, во хвалении и песнях / непрестанно
прилепляясь Богу. / Ты в годину гонений на Церковь Русскую /
душу свою за Христа положил еси, / болящ и гонимь бывая, /
житие свое венцем страдания увенчал еси. / Настави люди твоя
петь ты и Бога славити истинно, / достохвальный Моисее, / мы
же, славное твое житие воспоминающе, величаем тя сице: /

Радуйся, преподобномучениче Моисее, // теплый молитвен-
ниче о душах наших.

Икос 1

Яко беглец, из святыя обители Соловецкия / в Поморскую
страну изгнан бысть, / преподобномудре Моисее, / и, Хри-
сту последуя, нача подвизатися в церкви Иоанна, Предтечи Хри-
стова, / яже в веси Оленицкия, / и тамо благий и верный быше раб
Господень, подвизашеся даже до смерти за веру и за святылище. /
Темже почитаем память твою всечестную и, благоговейне чтуще
вся лютая твоя, / вопием ти сице:

Ра́дуйся, я́ко от ю́ности своея́ Бо́га се́рдцем возлюбил еси́;
Ра́дуйся, я́ко в ю́нем телеси́ крѣпость му́жескую явил еси́.
Ра́дуйся, оте́честву земно́му в чи́не во́инством досто́йно послу-
живый;
Ра́дуйся, последи́ же во́инству Христо́ву приобщитися zeló
возжелѣвый.
Ра́дуйся, ко А́нгельскому чи́ну от ю́ности сопричтѣнный;
Ра́дуйся, во и́мя проро́ка Моисе́я во ино́честве наречѣнный.
Ра́дуйся, сла́дость словѣс Господних вы́ну в ду́ше храни́вый;
Ра́дуйся, и́гу благо́му Христо́ву вы́ю подклони́вый.
Ра́дуйся, преподобномучени́че Моисее, // те́плый моли́твен-
ниче о душа́х на́ших.

Конда́к 2

О́тче преподобне Моисее, / ты в тяжкую го́дину испытаний
вѣру Христо́ву поруга́ему обрѣл еси́ / и себе́ сама́го, я́ко
же́ртву живу́ю, Бо́гу принѣсл еси́. / Ны́не Госпо́дь показа́ тя, све-
ти́льника Своего́, / сия́юща на свѣщнице Цѣ́ркве, / искуше́нием
вра́жиим противоста́вшего / и со́нма новомучени́ков Цѣ́ркве
Ру́сския / украше́ние пресвѣтлое явля́шагося. / Сего́ ра́ди, я́ко по-
бедитель, / воспева́еши с безплотными си́лами / песнь побѣдную
Христу́ Бо́гу: // Аллилу́иа.

И́кос 2

Во обители Соловѣцтей по́двигом ино́ческим до́бре подвиг-
зался еси́, / сла́вный Моисее, / и во Серге́ево-Мукса́лмском
скиту́, досто́йно зва́ния ходив, / плоды́ принѣсл еси́ Христо́ва
смирѣния / и, я́ко дре́во благосенноли́ственное, / о́браз па́стыря
до́браго явил еси́. / Научи́ и нас смиря́ти ду́ши на́ша / пред От-
це́м Небе́сным и со бра́тиями на́шими / приноси́ти ти благохва-
ле́ния сия́:

Ра́дуйся, измла́да добро́ту Влады́ки Христа́ возлюбивый;
Ра́дуйся, в правове́рии и благоче́стии ве́рно послуживый.
Ра́дуйся, во А́нгельский чин достохва́льно облечѣнный;
Ра́дуйся, к ли́ку преподобных досточѣ́стно причтѣнный.
Ра́дуйся, мудрова́ний ве́ка сего́, вознося́щихся на разум Бо-
жий, посрамле́ние;
Ра́дуйся, от волко́в, в оде́жде о́вчей входя́щих, огражде́ние.
Ра́дуйся, во́ине Христов, лю́да поморска́го любви́ю прослав-
ляе́мый;

Ра́дуйся, подви́жнице, благода́тию Бо́жиею охраня́емый.
Ра́дуйся, преподо́бномучениче Моисее, // те́плый моли́твен-
нице о душа́х на́ших.

Конда́к 3

Земная отринув, Небесная себе уготовляя, / яко страда́лец за
и́стину, / мужественно ра́ди бра́тии своея не оста́вил еси́ вины́
сла́ве обита́ли. / Да́же до кро́ве пострада́вый, / проти́ву го́рдых,
гоните́лей и досади́телей Це́ркве подви́заяся, / Небе́сныя сладо-
сти вкуси́л еси́, / страстоте́рпче дивный, / сея́ сладо́сти испроси́
и нам у Христа́, Спа́са на́шего, / дивному во Святы́х Свои́х воспе-
ва́ющих си́це: // Аллилу́иа.

И́кос 3

Промыслóм Бо́жиим и челове́ческим избра́нием / служи́тель
ве́рен был еси́ обита́ли Солове́цкия / и помо́щник в ско́рбех
преизря́дных, обрётших бра́тию зело́. / Помози́ и нам, о́тче Мо-
исее, / ве́рно чту́щим па́мять твою́, / в ве́ре и́стинней утверди́ти-
ся / и песновоспе́ти ти тако́вая:

Ра́дуйся, во страда́ниях твои́х плоть бе́дне смири́вый;
Ра́дуйся, пло́д досто́йный терпе́ния и любве́ сотвори́вый.
Ра́дуйся, от нечести́вых уничи́жение в честь себе́ вмени́вый;
Ра́дуйся, оби́дящим вседу́шно прегреше́ния прости́вый.
Ра́дуйся, па́стырю до́брый, от враго́в ста́до свое́ защища́ющий;
Ра́дуйся, яко́ орля, под крило́ма ча́д свои́х покрыва́ющий.
Ра́дуйся, моли́твеннице, тя́гу грехо́вную укроща́ющий;
Ра́дуйся, страда́льче, кровью́ муче́ний бесо́в устраша́ющий.
Ра́дуйся, преподо́бномучениче Моисее, // те́плый моли́твен-
нице о душа́х на́ших.

Конда́к 4

Во изгна́нии бы́вый, / ско́рбь непреста́нную и уны́ние / сле-
за́ми и воздыха́ньми растворя́л еси́, / до́блественный о́тче
Моисее, / о обита́ли Солове́цтей мате́роле́пней, / от безбо́жных
разоря́емей, / в не́йже ле́та мно́га подви́зался еси́ / и мно́гия
по́двиги и трудо́й понёсл еси́. / Ны́не же, священны́я ру́це твои́ у
Престо́ла Бо́жия прости́рая, / помина́й Ко́льскую зе́млю рожде́-
ния своего́ / и обита́ль Солове́цкую, ю́же возлюбил еси́, / и моли́
о спасе́нии сла́вящих тя благоче́стно / и со умиле́нием серде́ц
взыва́ющих: // Аллилу́иа.

И́кос 4

Пёрвее добрым подвигом преподобническим / в житий твоём земнѣм Бѳгови угождаѣя, / страданіем мученически житіе скончал еси. / Тѣмже венча тя Господь, и прият во славу Свою за сугубыя скорби и горести, нашедшия на тя, / за беды, изгнания и тесноты по Христѣ в лѣтах тех злочестія и нечистоты. / Мы же, дивящеся сему достохвальному твоему веры исповѣданію, / убожаѣем тя сице:

Радуйся, с терпѣніем многим горесть изгнания вкусивый;

Радуйся, веру совершенную в скорбех сугубых явивый.

Радуйся, на подвиг паствыства, яко на крест, возшедый;

Радуйся, чадам твоим молитвенниче и отче благосердый.

Радуйся, бисере дражайший, Церкве Русския украшеніе;

Радуйся, силам бесовскаго зла неборимое устрашеніе.

Радуйся, Христова стада паствырю честный и верный;

Радуйся, правды и истины носителю добропобедный.

Радуйся, преподобномучениче Моисее, // теплый молитвенниче о душах наших.

Конда́к 5

Приидите, вернии, / священное и честное преподобнаго Моисея торжество / песньми днесь воспойм, / восхвалим ревнителя и защитителя обители Соловецкия / и Поморія севернаго вѣси Оленецкия: / сей во времена гонений на Церковь Русскую / сонму новомучеников сопричтен бысть, / ныне же, предстоя Престолу Господню, молится за ны, / изливая любовь Божию в сердца наша, / да и мы Царствию Христову приобщимся, / со умилением вопия ко Господу: // Аллилуиа.

И́кос 5

Во изгнании покинул еси оток Соловецкий, святыи Моисее, / молитву непрестанную слезами растворяя / о возлюбленной обители, от безбожных разоряемей, / в нейже многія подвиги и труды понесл еси. / Во отечествии своем во дни Пасхи Христовы, / дерзая о Имени Господа Воскресшаго, / в храме Иоанна Предтечи от безбожных мук претерпел еси. / Сего ради песнословим твои подвиги страсотерпческия / и приносим ти хваления сицевая:

Радуйся, неправедный приговор с кротостью приявый;

Ра́дуйся, крила́ми богомы́слия се́ти вра́жия попра́вый.
Ра́дуйся, в ско́рби сво́ей от любве́ Христо́вы не отлуче́нный;
Ра́дуйся, во страда́нии сво́ем си́лой Бо́жиею укрепле́нный.
Ра́дуйся, ти́хостию сво́ею суро́вство безбо́жных обличи́вый;
Ра́дуйся, и́стинным веледу́шию и кро́тости нас научи́вый.
Ра́дуйся, похвалы́ и сла́вы Бо́жия ве́лий ревни́телю;
Ра́дуйся, па́сты отечества́ твоего́ Небе́сный храните́лю.
Ра́дуйся, преподо́бномучени́че Моисе́е, // те́плый моли́твен-
ниче о душа́х на́ших.

Конда́к 6

Прииди́те, боголю́бцы, / ко Христу́ любóвию у́треннюю, /
ра́дости страда́льца предивна́го Моисе́я прича́стницы бу́-
дем. / Ты, о́тче преподо́бне, / заступа́я отечества́ своего́ вве́рен-
ную ти́ святы́ню, / тверд и непрекло́нен яви́лся еси́, / всячески
утесня́емь и изгоня́емь от враг быв. / Госпо́дь же упова́ние тебе́
бысть, / прихода́ Олени́цкаго последни́й нача́льниче и сла́вный
страстоте́рпче. / Ты бо, на Еди́наго Христа́ от всего́ се́рдца упо-
вая, / воспева́л еси́ Ему́: // Аллилу́иа.

И́кос 6

Ра́дуйся, преподо́бномучени́че Моисе́е, / боле́зни и труды́
благоду́шно претерпе́вый, / и посреде́ мяте́жей мно́гих ве́ру
кре́пкую до конца́ сохрани́вый, / и за Христа́ сла́вную кончи́ну
прия́вый. / Оба́че ин суд Бо́жий, ин челове́ческий: / ско́рый и не-
пра́вый ты на сме́рть осуди́, / Небе́сный же и Божество́нный по́-
честьями побе́дными венча́. / Сего́ ра́ди, любóвию к ти́ подвиза́е-
ми, / велича́ем тя си́це:

Ра́дуйся, о́браз кре́пости ве́ры всем помóрцем яви́вый;
Ра́дуйся, во вре́мя ско́рби крест свой терпели́вно носивы́й.
Ра́дуйся, богоху́льная умы́шления ору́жников дерзосе́рдых
посрами́вый;
Ра́дуйся, во искуше́ниях ве́лиих му́жеству нас научи́вый.
Ра́дуйся, му́чениче, ри́зы своя́ в крови́ А́гнца убели́вый;
Ра́дуйся, те́лом умеры́й, ду́шу же свою́ не погуби́вый.
Ра́дуйся, А́нгельским чи́ном сликовству́ющий в вы́шних;
Ра́дуйся, от челове́к похвалы́ прие́млющий в ни́жних.
Ра́дуйся, преподо́бномучени́че Моисе́е, // те́плый моли́твен-
ниче о душа́х на́ших.

Кондак 7

От плéна египетскаго нечестия человеки моисейски извёл еси, / к многоплодию души срóдных своих Поморския земли направляя, / яже суть на мёсте том, нарицаемем Терский брег, / лику же неисчётному доблественных мучеников приобщился еси / и собору Кольских новомучеников основание твёрдо положил еси. / Ныне тому Ангелы на Небесех радуются, / с нимиже и ты песнь победную благодарственно воспеваеши: // Аллилуиа.

Икос 7

Ни князя мира сего, ни владык злостужных, претящих тебе, / не убоялся еси, óтче преподобне, / верою и упованием на Господа был еси крепок. / Утверди нас ради любви Христовы / претерпети вся муки и скорби / и даже до смерти подвизатися о истине, / якоже ты, óтче предивне. / Обаче же мы, надеждою на предстательство твоё окрыляемии, // с верою приносим ти похвалы таковыя:

Радуйся, дни страдания своего мужественно исполнимый;

Радуйся, яко светильник, душу свою елеем святости наполнимый.

Радуйся, мук лютых несением тленная на нетленная превратимый;

Радуйся, многих бо от жестоких напастей и скорбей разрешивый.

Радуйся, свече неугасимая, огнём Духа Святаго возжжённая;

Радуйся, лозо избранная, росою благодати Божия напоённая.

Радуйся, всем притекающим к тебе скорое вспоможение подавая;

Радуйся, образ пастыря добраго явивый, душу свою за овцы полагая.

Радуйся, преподобномучениче Моисее, // тёплый молитвенниче о душах наших.

Кондак 8

Распёншемся за ны Христу Богу, / смерть поправшему и ад пленившему, / сораспиналися естé, страстотерпцы приснопамятнии, / мучениче Моисее со старостою и парамонарем церковными, / суд неправый и скорбную темницу, / истязания многая претерпевше даже до смерти мученическа, / в невечернем же дни Царствия Божия / в Церковь Небесную свящённо внидо-

сте / и ныне Троице предстоите, / сияюще отгуду блистания, / и восхваляюще, и благословяще Господа пребогато: // Аллилуиа.

Икос 8

Отечеству своему в годину безверия был еси светильник, / Божественных Таин Христовых раздаятель / и душ людских врачеватель явился еси, отче прехвальне, / темже благодать Духа Утешителя от юдоли смертных ты возведё / в вышняя Небесная селения, / да твоими молитвами спасёмся, / славословяще ты сице:

Радуйся, молитвою крепкою тяготы жития побеждати научивый;

Радуйся, заступниче, в гонениях надежду и веру укрепивый.

Радуйся, болящих душею и телом безмездный целителю;

Радуйся, колеблющимся в вере образа доброго подателю.

Радуйся, силою свыше на брань противу безбожных препоясанный;

Радуйся, новомучеником Церкви Русския за муки велия подписанный.

Радуйся, пастырю добрый, заблудших прилежный вразумителю;

Радуйся, звездó Полнощная, верным ко спасению путеводителю.

Радуйся, преподобномучениче Моисее, // тёплый молитвенниче о душах наших.

Кондак 9

Моисей, великий во пророках иногда, / жезлом своим, яко крестным знаменем, воды разделив, / прошёл со израильтяны сквозё Чермное море / и земнаго обетования достиже, / ты же, преподобномучениче Моисее, / крестоношением страданий плоть свою умертвив, / земли обетования достигл еси, / в нейже правда живёт. / Сего ради людие Соловецтии и поморстии / прославльшаго тя Господа славят, / с нимиже и мы вопиём: // Аллилуиа.

Икос 9

Егда безбожнии тщахуся сокрыти тя в темнице, / ты, блаженный Моисее, яко луч Солнца Правды явился еси, / посрамляя ипаты, и воеводы, / и мучители, сущия во властех, / и страдань-

ми твоими мглу безбожия и злообычия / над Отечеством нашим
разсеял еси. / Молим тя, страдальче святой: / молись за ны ко
Господу, / дабы поприще жития нашего нам достойно пройти /
и воинами света неукорными явиться, / воспевающе ти сице:

Радуйся, молящимся к тебе скорую помощь подавая;

Радуйся, в гонениях отчаянных и безнадежных ободряя.

Радуйся, яко стяжал еси терпение и на Бога надеяние;

Радуйся, земель полнощных верное от бед спасение.

Радуйся, от раздирания и разорения паству свою защитивый;

Радуйся, молитвами своими Русскую Церковь хранивый.

Радуйся, волны мятежа церковного силою духа укротивый;

Радуйся, радость Господа с чинами Ангельскими вкусивый.

Радуйся, преподобномучениче Моисее, // теплый молитвен-
ниче о душах наших.

Кондак 10

Ревностию по Боже распалаемь / и жалостию о доме Господ-
ни снедаемь, / святыни церкви Оленицкия от расхищения и
поругания нечестивых сохранял еси, / священномучениче до-
стохвальне Моисее, / прещений же беззаконных власти не устра-
шился еси, / до конца страдания претерпев, / и ныне сияеши во
славе Господни. / Мы же Бога, дивного во святых Своих, / подаю-
щего нам приуказ безприкладный и велие надеяние, / благодар-
ственно прославляем сице: // Аллилуиа.

Икос 10

Паству верных своих хлебом слова Божия насыщая / и вином
премудрости Богодухновенных напаяя, / теплотою люб-
ве твоея дары сия растворил еси, священномучениче Моисее. /
И ныне с высоты Небесных вещаеши чадом Церкви Русския: /
приступите ко Господу и просветитесь, / и лица ваша не посты-
дятся. / Мы же твою память присно песньми восхваляем верно /
и вопиём ти с любовью таковая:

Радуйся, благодать пастьерскую от Соловецких угонников
приемый;

Радуйся, подвиг мученичества на рамена своя подъемый.

Радуйся, гласе, в пустыни безбожия о Господе вопияй;

Радуйся, яко пророк Моисей, сплемеников к Земле обетова-
ния переводяй.

Радуйся, светильниче златый, во мраке безбожия светло сияяй;

Ра́дуйся, ка́меню ве́ры Христо́вы, в не́йже па́ству свою́
утвержда́й.

Ра́дуйся, кро́тце за истязáющих тя моли́выйся;

Ра́дуйся, радости Небе́сныя в по́двизе причастивыйся.

Ра́дуйся, преподобномучениче Моисее, // те́плый моли́твен-
ниче о душа́х на́ших.

Конда́к 11

Всего́ себе во́ли Господни преда́в, / страда́ния Его́ ра́ди за честь
почита́л еси́, / досточудне Моисее: / тем в темнице заточе́-
ние, я́ко от десни́цы Бо́жия восприя́л еси́, / и узи́лище последне
земна́го жития́ твоего́ во граде Ко́тласе обрел еси́, / а́може при-
веде́ тя Христо́с, / же́ртвы но́вья всеще́дрья твоея́ жела́я. / Ты же
благодарно́ прине́сл еси́ о́ную, / любо́вию воспева́я Господе-
ви: // Аллилу́иа.

И́кос 11

Све́том Христо́вым просвещáемь, / мрак беззакония попра́л
еси́, преподобне, / мученическими кровью́ священную ри́зу
очервлени́в, / вшел еси́ во Свята́я Святы́х досто́йно, Моисее пре-
му́дре, / иде́же Свет неизрече́нный, иде́же глас пра́зднующих: / с
ними́же и мы велегла́сно возопи́им:

Ра́дуйся, я́ко во́лю Бо́га Вы́шняго всем се́рдцем взыска́л еси́;

Ра́дуйся, я́ко неблагомы́сленных наве́ты лука́вья претерпе́л еси́.

Ра́дуйся, тве́рдей ве́ре нас при́сно навча́ющий;

Ра́дуйся, ко стези́ спасе́ния непреста́нно наставля́ющий.

Ра́дуйся, я́ко во испове́дании Христо́ве непоколеби́м пребы́л еси́;

Ра́дуйся, я́ко вла́стей прельще́ньми непрекло́нен яви́лся еси́.

Ра́дуйся, оби́тели Солове́цкия изве́стное укрепле́ние;

Ра́дуйся, па́ствы земе́ль Се́верных кре́пкое защи́щение.

Ра́дуйся, преподобномучениче Моисее, // те́плый моли́твен-
ниче о душа́х на́ших.

Конда́к 12

Зе́млю Ру́сскую, безбо́жными гонeнии неща́дно жегóмую, /
слезáми и кровью́ твоими́ напои́л еси́, священномучениче
Моисее, / и испове́данием Трисо́лнечно́го Све́та / тьму́ а́дову по-
срами́л еси́, / и мучeния от сыно́в поги́бели восприя́л еси́. / Те́ло
бо твое́ во вну́тренних моги́лы неизве́стныя пребывáет, / душа́

же твоё беспечальное жителство наследовала еси. / Темже, отче преподобне, / стяжал еси благодать молиться о нас: // Аллилуиа.

Икос 12

Света нетварнаго зритель / и радости Божественныя причастник явился еси, / новомучениче Моисее, / темже молим тя: / не престани молиться о нас / купно со всеми новомученики Церкви Русския, / да помилует нас Господь, призирая с высоты Небесныя / и приклоняя к нам вышнее милосердие. / Тако на твоё заступление надеющиеся / и на благоплодную молитву твою уповающе, / ублажаем тя сицевыми похвалами:

Радуйся, преподобне, жизнью монашескою усердно подвижавыйся;

Радуйся, подвижнице, на ниве Христовой изрядно потрудивыйся.

Радуйся, преславне Моисее, Помория пресветлый светильниче;

Радуйся, в возвращении веры и благочестия крепкий помощниче.

Радуйся, чтущих память твою пред Богом поминающий;

Радуйся, о прославльших тя пред Господом Христа умоляющий.

Радуйся, яко ныне в Царствии Божии пребываеши;

Радуйся, яко и нас благодатным его светом осияваеши.

Радуйся, преподобномучениче Моисее, // тёплый молитвенниче о душах наших.

Кондак 13

О, страдальче многосветлый и служителю Христов Моисее, / Имене Божия досточудный исповедниче, / Церкви Христовы украшение, / отца Соловецкаго и земли Кольския радование! / Услыши нас неискусных малое сие моление / и испроси у Всемилостиваго Владыки, / Емуже ныне со дерзновением предстоиши, / пробавити милость Свою на ны / и даровати оставление многим грехом нашим. / Да твоими молитвами сподобимся в Царствии Небесном / в радости блаженней воспевати Ангельскую песнь: // Аллилуиа.

Этот Кондак читается трижды, затем 1-й Икос и 1-й Кондак.

И́кос 1

Яко бегле́ц, из святы́я оби́тели Соловѣцкя / в Поморскую
страну́ изгна́н бысть, / преподобномудре Моисее, / и, Хри-
сту́ последуя, нача́ подвиза́тися в це́ркви Ио́анна, Предте́чи Хри-
сто́ва, / яже в ве́си Олѣницкя, / и та́мо благи́й и ве́рный бяше раб
Госпо́день, подвиза́шеся да́же до сме́рти за ве́ру и за святы́лище. /
Те́мже почита́ем па́мять твою́ всечестну́ю и, благоговѣ́йне чту́ще
вся лю́тая тво́я, / вопи́ем ти си́це:

Ра́дуйся, я́ко от ю́ности свое́я Бо́га се́рдцем возлюбил еси́;

Ра́дуйся, я́ко в ю́нем телеси́ крѣпость му́жескую явил еси́.

Ра́дуйся, оте́честву земно́му в чи́не во́инством досто́йно послу-
живы́й;

Ра́дуйся, последи́ же во́инству Христо́ву приобщитися zeló
возжелѣвы́й.

Ра́дуйся, ко А́нгельскому чи́ну от ю́ности сопричтѣнный;

Ра́дуйся, во и́мя проро́ка Моисе́я во ино́честве наречѣнный.

Ра́дуйся, сла́дость словѣс Госпо́дних вы́ну в ду́ше храни́вый;

Ра́дуйся, игу́ благо́му Христо́ву вы́ю подклони́вый.

Ра́дуйся, преподобномучениче Моисее, // те́плый моли́твен-
ниче о душа́х на́ших.

Конда́к 1

Преподобномучениче Моисее, / от мужей земли́ Полно́щ-
ныя / в тихое приста́нище Соловѣцкя оби́тели прите́кл
еси́, / пощѣнием и слеза́ми, во хвалѣнии и пѣснях / непреста́нно
прилепля́ясь Бо́гу. / Ты в го́дину гонѣний на Це́рковь Ру́сскую /
ду́шу свою́ за Христа́ положи́л еси́, / боля́щъ и гонимъ быва́я, /
жители́е свое́ венце́м страда́ния увенча́л еси́. / Наста́ви люди́ тво́я
пѣти тя и Бо́га сла́вити и́стинно, / достохва́льный Моисее, / мы
же, сла́вное твоѣ жити́е воспомина́юще, велича́ем тя си́це: /

Ра́дуйся, преподобномучениче Моисее, // те́плый моли́твен-
ниче о душа́х на́ших.

ЖИЗНЬ

святому преподобномученику Моисею (Кожину)

О, избранниче и угодниче Христов, преподобномучениче Моисее, Церкви Русския украшение, обители Соловецкия и земли Кольския благое прозябение и красный плоде, за род монашеский представителю и всем православным людем наставниче!

Ты во время гонения безбожнаго от сокровищницы души твоея спасительное исповедание Православныя веры изнесл еси и людем верным пастырь добрый явился еси, душу твою за Христа и Его овцы полагая и лютыя волки далече отгоняя. Ныне убо призри на нас, недостойных чад твоих, умиленною душею и сокрушенным сердцем ты призывающих.

Умоли Господа Бога, да простит согрешения наша и избавит от адовых уз и вечнаго мучения. Утверди нас во святей Православней вере, научи нас всегда творить волю Божию и хранить заповеди церковныя. Молися и ныне ко Господу православныя христианы от разделений отстояти, священники и монашествующия в подвиге укрепить и вся верныя от наветов бесовских сохрани.

Молися ко Христу Владыце сию веру отеческую, юже ты до смерти исповедал еси, непреложну и святу нам соблюсти, яко да молитвами твоими соблюдется в мире и благочестии Святая Русь и непрестанно славится в ней Имя Пресвятыя Троицы, Отца, и Сына, и Святаго Духа во веки веков.

Аминь.

Величание:

Ублажаем тя, / преподобномучениче Моисее, / и чтим святую память твою, / наставниче монахов // и собеседниче Ангелов.

ЯРЯФИСТ И СЛУЖБА
ПРЕПОДОБНОМУЧЕНИКУ МОИСЕЮ
(КОЖИНУ), ОЛЕЩИЦКОМУ

Корректор – Анастасия Бочарова
Прориси икон – Инна Куксенко
Дизайн и оригинал-макет – Ольга Колчина

В электронном виде издание размещено
на официальном сайте Мурманской епархии:
<http://mmerparh.cerkov.ru>
в разделе «Книги митрополита Митрофана».

Сделать заказ можно:

- по электронной почте: eparhia_murmansk@mail.ru;
- по телефонам: +7-960 028 6677,
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии
Мурманская митрополия
Русской Православной Церкви (Московский Патриархат)

ББК 86.372.24-50

Подписано в печать 10.08.2023
Формат 70 x 100 1/8. Тираж 300 экз.

Отпечатано в ООО «Типография «НП-Принт»
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия